



Bosna i Hercegovina
Federacija Bosne i Hercegovine
Federalno tužilaštvo
Federacije Bosne i Hercegovine

Broj: A- 675/23
Sarajevo, 22.12.2023. godine
DM

Bosna i Hercegovina
Federacija Bosne i Hercegovine
Parlament Federacije
Dom naroda
Ul. Hamdije Kreševljakovića broj 3
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilijeno: 26-12-2023			
Org. jed.	Broj	Priloga	Vrijednost
05/2	- 02-	486	23

Predmet: Odgovori na delegatska pitanja

Poštovani,

shodno vašem dopisu broj: 05/2-02-486/23 od 04.12.2023. godine, u vezi delegatskih pitanja koja je na 5. sjednici Doma naroda Parlamenta FBiH održanoj 27.11.2023. godine, postavio delegat Ivo Šimunović, obavještavamo vas, kako slijedi:

- Federalno tužilaštvo FBiH, u skladu sa svojim nadležnostima, svake godine vrši redovan nadzor rada svih kantonalnih tužilaštava u FBiH, pa tako i Kantonalnog tužilaštva Srednjobosanskog kantona;
- Federalno tužilaštvo FBiH u skladu sa Zakonom o sudovima u Federaciji BiH, nema prvostepenu nadležnost, zbog čega nije u mogućnosti provoditi istrage;
- Izvršena je provjera podataka kojim raspolaže Federalno tužilaštvo FBiH, te je utvrđeno da ovo Tužilaštvo nema evidentiranih predmeta po žalbama u vezi predmeta navedenih u delegatskim pitanjima;
- S obzirom da su u delegatskim pitanjima navedeni predmeti iz nadležnosti Kantonalnog tužilaštva Srednjobosanskog kantona, ovo Tužilaštvo je zatražilo informacije o istim. Tražene informacije postupajuće kantonalno tužilaštvo je dostavilo dopisom broj: A-811/23 od 19.12.2023. godine, a čiju fotokopiju vam dostavljamo u prilogu.

S poštovanjem,

GLAVNI FEDERALNI TUŽILAC

Munib Halilović

Prilog:

- dopis Kt SBK broj: A-811/23



Bosna i Hercegovina
Federacija Bosne i Hercegovine
Kanton Središnja Bosna-Srednjobosanski Kanton
KANTONALNO TUŽILAŠTVO/ TUŽITELJSTVO
TRAVNIK
Broj: A-811/23
Datum, 19.12.2023.godine,

Bosna i Hercegovina - FEDERACIJA BOSNE I HERCEGOVINE		
FEDERALNO TUŽILAŠTVO		
PRIMLJENO		
Org. jed.	22.12.2023.	
	A-675/23	Vrijednost

FEDERALNO TUŽILAŠTVO
FEDERACIJE BOSNE I HERCEGOVINE

Predmet: Informacija, dostavlja se,

Poštovani,

Vežano za vaš e-mail koji ste nam prosljedili dana 15.12.2023. godine, obavještavamo vas o sljedećem:

U pogledu delegatskog pitanja pod brojem 1. koje je postavio delegat Ivo Šimonović, a vežano za odbačene prijave iz 2017. godine i 2021. godine protiv nosioca izvršne vlasti na razini Općine Jajce podnesene od 11. vijećnika OV Jajce o nezakonitom trošenju proračunskih sredstava u Kantonalnom tužilaštvu SBK formirani su predmeti:

- T06 0 KTA 0020189 17 u kojem je postupajući tužilac dana 18.05.2017. godine donio naredbu da se istraga neće provoditi protiv Edina Hozan zbog krivičnog djela zloupotreba položaja ili ovlašćenja iz člana 383. stav 1. KZ FBiH, o čemu je obavješten Ivo Šimunović dana 25.05.2017. godine, a koju je isti zaprimio 31.05.2017. godine s poukom da se može na odluku podnijeti pritužba Uredu glavnog tužioca u roku od 8 (osam) dana od dana zaprimanja obavijesti. Na tužilačku odluku nije uložena pritužba. Predmet arhiviran.
- T06 0 KT 0028162 20 u kojem je postupajuća tužiteljica dana 21.06.2021. godine donijela naredbu da se istraga neće provoditi protiv Edina Hozan i dr. zbog krivičnog djela zloupotreba položaja ili ovlašćenja iz člana 383. stav 1. KZ FBiH. Predmet je arhiviran.

U pogledu delegatskog pitanja pod brojem 2. vežano za predmet formiran u ovom Tužilaštvu pod brojem: T06 0 KTAK 0029621 21 obavještavamo vas da je postupajuća tužiteljica dana 01.11.2021. godine donijela naredbu o neprovođenju istrage protiv Edina Hozan zbog krivičnog djela zloupotreba položaja ili ovlašćenja iz člana 383. stav 1. KZ FBiH, te je podnosilac prijave Darko Samardžić obavješten putem advokata Tomislava Brekalo o tužilačkoj odluci, na koju je uložena pritužba o kojoj je odlučio Ured glavnog tužioca svojim Rješenjem br. T06 0 KTP 0029621 21 kojim je pritužba odbijena kao neosnovana. Predmeti su arhivirani.

Što se tiče delegatskog pitanja pod brojem 3., a vežano za predmet „ELEKTROBOSNA“, d.d. Jajce, sastavljen je od više predmeta koji su formirani u Kantonalnom tužilaštvu Travnik i to prije nego što je Kantonalno tužilaštvo počelo raditi po novom uređenju i prije nego što su izabrani tužioci, koji su stupili na dužnost 01.03.2004. godine.

Dana 11.12.2015. godine u predmetu br. T06 0 KTPO 0002607 04 donesena je naredba o obustavi istrage protiv Zlatana Ištvančić, Zvonka Matijaš, Ive Šimunović, Marijete Tepić, Branka Jakešević, Marijana Ledić, Božidara Debać, Ive Džidara, Ico Škrapa, Petra Zubin, Petra Rajević, Josipa Crnoja i Milorada Škrbić, zbog krivičnog djela iz člana 383. stav 3. KZ F BiH, jer nema dovoljno dokaza da su počinili krivično djelo, **dok je u odnosu na** Asima Gradinčić, Blanka Rajić, Zuhdiju Ćosić, Vladimira Žuljević, Tomislava Mihalj, Suzanu Barić, Stipu Ljubičić, Stipana Pocrnja, Slavka Jaranović, Rafaela Lacić, Branka Livančić, Branka Vučković, Dubravka Kolovrat, Franju Ćosić, Iliju Perković, Iliju Petrović, Muhameda Mačak i Peru Stanić donesena naredba da se neće provoditi istraga zbog krivičnog djela iz člana 383. stav 3. KZ F BiH, jer ne postoje osnovi sumnje da su počinili krivično djelo. Predmet je arhiviran.

Također, u Tužilaštvu je formiran predmet broj: T06 0 KTA 0034258 23, a vezano za dopis Agencije za reviziju i privatizaciju u Federaciji Bosne i Hercegovine u čijem prilogu je dostavljeno Rješenje Vlade Federacije Bosne i Hercegovine kojim se odbija kao neosnovana žalba privrednog društva „ELEKTROBOSNA“ d.d. Jajce i Agencije za privatizaciju Srednjobosanskog kantona Travnik izjavljenu protiv Rješenja Agencije za reviziju privatizacije u Federaciji Bosne i Hercegovine kojim je utvrđeno da je postupak privatizacije privrednog društva „ELEKTROBOSNA“ d.d. Jajce nije provedena u skladu sa zakonima i drugim propisima.

Tužilaštvo će pribaviti svu neophodnu dokumentaciju od Agencije za reviziju i privatizaciju u Federaciji Bosne i Hercegovine, poduzeti i druge zakonom predviđene mjere i radnje u predmetu, te nakon izvršene analize dokaza donijeti tužilačku odluku.

S poštovanjem

GLAVNI
KANTONALNI TUŽILAC/ TUŽITELJ
mr. sci. Šemsudin Fuško